



«ՆԱԿԻՆՆԵՐՈՒՄ» ՄԻՋԵՒ ԲԱՆԱԿԱՆ

Հանրապետության նախկին նախագահ Միշել Աունի գրասենյակը հաղորդագրությամբ մը յարձակում գործեց վարչապետի պաշտօնակատար Նեժմա Միքաթի վրայ՝ անոր նորագոյն հարցազրոյցին մէջ արտայայտուած միտքերուն համար: Աունի գրասենյակը մասնաւորաբար



դատապարտեց օտարազգիներու քաղաքացիացումին հարցով նախկին նախագահին դէմ ուղղուած Միքաթի քննադատութիւնը եւ նշեց, որ նախագահութիւնը ստացած էր քաղաքացիացումի շարք մը դիմումներ, որովհետեւ նշեալ թղթածրարը մաս կը կազմէ նախագահի իրաւասութիւններուն:

Վարչապետի պաշտօնակատար Նեժմա Միքաթի գրասենյակը հակադարձեց Աունի յայտարարութեան եւ վերահաստատեց հեռուստային վերջին հարցազրոյցին



ընթացքին Միքաթի արտայայտած միտքերը՝ ինչ կը վերաբերի քաղաքացիացումի թղթածրարին: Նշենք, որ նախագահ Աունի իշխանութեան վերջին օրերուն շատ կը խօսուէր բազմաթիւ օտարազգիներու Լիբանանի քաղաքացիութիւն շնորհելու հաւանականութեան մասին, սակայն տեղեկութիւններ նշեցին, որ Միքաթի մերժած է ստորագրել նշեալ օրինակիծը:

(Շար.ք տեսնել 4րդ էջ)

ԹՈՒՐԵ-ՍՈՒՐԻԱԿԱՆ ՄԵՐՁԵՑՈՒՄԸ ԶԷ ԲԱՅԱՌՈՒՄԸ

Թուրքիոյ նախագահ Ռեճեպ Թայիպ Էրտողան յայտնեց, որ չէ բացառուած Սուրիոյ հետ յարաբերութիւններու քննարկումները, այնպէս ինչպէս կատարուեցաւ թուրք-եգիպտական յարաբերութիւններու պարագային, «որովհետեւ քաղաքականութեան մէջ մնայուն թշնամութիւն չկայ»: Ըստ Էրտողանի, Թուրքիա իրաւունք ունի գործո-



ղութիւններու ձեռնարկել երկրէն դուրս՝ երկրին եւ ժողովուրդին անվտանգութիւնը պահպանելու համար:

Իսկ «Ռոյթըրզ» լրատու գործակալութիւնը հաղորդեց, որ թրքական զինուած ուժերը կ'ամբողջացնեն Սուրիոյ մէջ գործադրուելիք զինուորական լայնածաւալ գործողութեան մը նախապատրաստութիւնները, սպասելով նախագահ Ռեճեպ Թայիպ Էրտողանի հրահանգը: Ըստ գործակալութեան, թրքական գործողութիւնը պիտի կեդրոնանայ Մենախիճ, Այն Արապ-Քուպանի եւ Թել Ռիֆաաթ շրջաններուն վրայ: Նշենք, որ թուրքերը 20 Նոյեմբերէն ի վեր Սուրիոյ եւ Իրաքի հիւսիսային շրջաններուն դէմ կը շղթայագործեն օդային հարուածներու արշաւ մը, որ կը թիրախաւորէ Քուրտիստանի աշխատատեղական կուսակցութեան սուրիական թելը եւ քրտական այլ կազմակերպութիւններ: Էրտողան յաջող համարած էր արշաւը, չբացառելով որ անոր յաջորդէ նաեւ ցամաքային գործողութիւն մը: Իսկ Ռուսիոյ Արտաքին գործերու նախարարութիւնը զգուշացուց, թէ նման յարձակում մը կրնայ սրել շրջանային լարուածութիւնը եւ աշխուժացնել ահաբեկչական գործողութիւնները:

ՆԱՀԱՏԱԿՆԵՐՈՒ ՄԱՐՄԻՆՆԵՐՈՒ ՎԵՐԱԴԱՐՁ

Հայաստանի Պաշտպանութեան նախարարութիւնը յայտարարեց, որ Ատրպէյճան 28 Նոյեմբերին հայկական կողմին փոխանցած է 13-14 Սեպտեմբերին զոհուած 13 հայ զինուորներու մարմին: Նախարարութեան բանբեր Արամ Թորոսեանի համաձայն, զինուորները զոհուած են հայկական ինքնիշխան տարածքին դէմ ատրպէյճանական հերթական գործողութիւնը զսպելու ընթացքին: Նշենք,



որ սեպտեմբերեան հերթական յարձակումին ընթացքին թշնամիին ուժերը թիրախաւորած էին թէ՛ զինուորական դիրքերը, թէ՛ քաղաքացիական ենթակառուցուածքները: 14 Հոկտեմբերին Հայաստանի վարչապետ Նիկոլ Փաշինեան յայտնած էր, որ սեպտեմբերեան գործողութիւններուն ընթացքին զոհուած է անուազն 210 հայ՝ ներառեալ երեք քաղաքային: Վիրաւորներուն թիւը հասած էր երեք հարիւր, իսկ 28 զինուոր անհետ կորսուած էր:

ԶՄՊՈՒԾՈՒԹՅԱՆ ԿՈՉ

Հարաւային Կովկասի մէջ Եւրոմիութեան յատուկ ներկայացուցիչ Թոյվո Զլար անդրադարձաւ Ատրպէյճան



կատարած իր այցելութեան եւ նախագահ Իլհամ Ալիեւի հետ տեսակցութեան մանրամասնութիւններուն: Դիտել տալով, որ տարածաշրջանային շարք մը խնդիրներ տակաւին չեն լուծուած, Զլար Պաքուին ու Երեւանին կոչ ուղղեց զսպառնալից դրսեւորելու եւ ուժային միջոցներու գործածութենէն խուսափելու: «Քաղաքական կամք կը պահանջուի՝ լարուածութիւնը մեղմելու եւ համապարփակ կարգաւորումի հասնելու համար», ըսաւ Զլար:

ՀԱՅ-ՀՆԴԱԿԱՆ ՀԱՍԱԳՈՐԾԱԿՑՈՒԹՅՈՒՆ



Հնդկաստանի Արտաքին գործերու նախարարութիւնը յայտարարեց, որ անհրաժեշտ է խորացնել համագոր-

(Շար.ք տեսնել 4րդ էջ)

Ն.Ս.Օ.Տ.Տ. ԱՐԱՄ Ա. ԿԱԹՈՂԻԿՈՍ ԸՆԴՈՒՆԵՃ ԶՆՉԱԿԵԱՆ ԿՈՒՍԱԿՑՈՒԹՅԱՆ ԼԻՔԱՆԱՆԻ ՇՐՋԱՆԻ ՆՈՐԸՆՏԻՐ ՎԱՐԻՉ ՄԱՐՄԻՆԸ

Շաբաթ, 26 Նոյեմբեր 2022-ին, Ն.Ս.Օ.Տ.Տ. Արամ Ա. Վեհափառ Հայրապետին այցելեց Սոցիալ Դեմոկրատ Հնչակեան Կուսակցութեան (Ս.Դ.Հ.Կ.) Լիբանանի Շրջանի Նորընտիր Վարիչ Մարմինը: Ան եկած էր Վեհափառ Հայրապետին օրհնութիւնը ստանալու իր յառաջիկայ շրջանի գործունեութեան սկզբնաւորութեան:



Նորին Ս. Օծութիւնը շնորհաւորեց Նորընտիր Վարիչ Մարմինը եւ կարեւորութեամբ անդրադարձաւ միջ-կուսակցական գործակցութեան նոր մղում տալու, Լիբանանի հայութեան ներքին միասնականութիւնը ամրապնդելու եւ անոր վերականգնումին նոր թափ տալու հրամայականը:

Վարիչ Մարմինը, իր կարգին, շեշտեց Լիբանանի հայութեան ներքին միասնականութիւնը ամրացնելու անհրաժեշտութիւնը, յատկապէս երկիրը դիմագրաւող ներկայ տագնապալից պայմաններուն մէջ:

ՀՐԱԺԵՆՏ՝ ԶԱՅԿԱԿԱՆ ԽԱՂԱՂՊԱԶ ԶՕՐԱՆՈՒՄԲԻՆ

Հարաւային Լիբանանի մէջ ծառայող Եունիֆիլի խաղաղապահ ուժերու շարքերէն ծառայող հայկական հերթական զօրախումբի ծառայութեան աւարտին առթիւ, Հայաստանի դեսպանատան մէջ երէկ տեղի ունեցաւ պաշ-



տօնական ընդունելութիւն՝ ի պատիւ Հայաստանի զինուած ուժերու խաղաղապահ զինուորներուն, որոնք միջազգային կազմակերպութեան հովանիին տակ օժանդակեցին Լիբանանի հարաւային շրջանի անվտանգութեան եւ կայունութեան պահպանումի ջանքերուն: Դեսպանատան մէջ կազմակերպուած ընդունելութեան ներկայ էին լիբանանահայ գաղութի կառույցներու ներկայացուցիչները՝ հայ քաղաքական կուսակցութիւններու, միութիւններու պատիրակութիւնները եւ գաղութային հեղինակաւոր անձնաւորութիւններ: Սոցիալ Դեմոկրատ Հնչակեան Կուսակցութիւնը ներկայացուց Լիբանանի Շրջանի Վարիչ Մարմինի ատենապետ ընկ. Վանիկ Տազետեանը: Ընդունելութեան ընթացքին նախ խօսք արտասանեց Պէյրութի մէջ Հայաստանի Հանրապետութեան արտակարգ եւ լիազօր դեսպան Վահագն Աթաբեկեանը, որ կարեւորեց հայկական առաքելութիւնը Լիբանանի մէջ: Ընդունելութեան ընթացքին խօսքեր արտասանեցին նաեւ մասնակիցներ՝ ներառեալ ընկ. Տազետեան, որ Հնչակեան կուսակցութեան անուով ողջունեց հայ խաղաղապահներուն ներդրումը Լիբանանի կայունութեան պահպանումին մէջ, շնորհակալութիւն յայտնեց իրենց ծառայութիւնը ամրապնդելու գիտնորներուն եւ ողջունեց հայկական յաջորդ զօրախումբը, որ շուտով պիտի մեկնի ծառայութեան:

Կազմակերպութեամբ՝ ՍՈՑԻԱԼ ԴԵՄՈԿՐԱՏ ՀՆՉԱԿԵԱՆ ԿՈՒՍԱԿՑՈՒԹՅԱՆ ԼԻՔԱՆԱՆԻ ՇՐՋԱՆԻ ՎԱՐԻՉ ՄԱՐՄԻՆԻ

Ս. Դ. Հնչակեան Կուսակցութեան Հիմնադրութեան

135 ԱՄԵԱԿԻ ՏՕՆԱԿԱՏԱՐՈՒԹԻՒՆ

Ուրբաթ, 16 Դեկտեմբեր 2022-ին, երեկոյեան ժամը 8:00-ին

ԱՐՅԱՆԻ ՆԱԽԱԳԱԶԻՆ ՎԼԽԱԿՈՐՈՒԹԵԱՄԲ ՏԵՂԻ ՈՒՆԵՅԱԾ ԽՈՐՀՐԴԱԿՈՒԹԵԱՆ ԸՆԹԱՑՔԻՆ ՔՆՆԱՐԿՈՒԱԾ ԵՆ ԱՐՅԱՆԻ ՇՈՒՐՁ ՔԱՂԱՔԱԿԱՆ ՉԱՐԿԱՅՈՒՄՆԵՐՈՒՆ ՎԵՐԱԲԵՐՈՂ ՉԱՐՅԵՐ

Արցախի Հանրապետության նախագահ Արայիկ Յարուբեյանը հրավիրած է աշխատանքային խորհրդակցության՝ Ազգային ժողովին մեջ ներկայացուած քաղաքական ուժերու ներկայացուցիչներուն մասնակցութեամբ:



Քննարկուած են Արցախի Հանրապետության շուրջ քաղաքական զարգացումներուն վերաբերող հարցեր: Խորհրդակցութեան մասնակցած են նաեւ ԱԺ նախագահ Արթուր Թովմասեանը, Անվտանգութեան խորհուրդի քարտուղար Վիթալի Պալասանեանը, Նախագահի աշխատակազմի ղեկավար Կարեն Շահրամանեանը, արտաքին գործերու նախարար Դաւիթ Բաբայեանը, պաշտօնատար այլ անձեր:

ԵՂԻՉԷ ՉԱՐԵՆՑԻ ԴԱՏԵՐ ՅՈՐԵՆԵՎՄԻՆ ԱՌԻՒԻ ԳՐՈՂԻՆ ՏՈՒՆ-ԹՎՆԳԱՐՎՄԻՆ ՄԷՋ ԲԱՅՈՒԵՅԱԿ «ԱՐՓԵՆԻԿ ՉԱՐԵՆՑ-90» ՅՈՒՅԱԿԱՆՈՒԹԵԱՆ

Եղիչէ Չարենցի աւագ դստեր Արփենիկ Չարենցի ծննդեան 90-ամեակին առթիւ 28 Նոյեմբերին գործի տուն-թանգարանին մէջ բացուեցաւ «Արփենիկ Չարենց-90» ցուցահանդէսը: Յուշադրութեան ներկայացուած են Արփենիկի լուսանկարները՝ մանկութենէ մինչեւ հասուն տարիք, ինչպէս նաեւ անոր գիրքերն ու անձնական իրերը:



«Նոյնիսկ մեր ընտանիքին կեանքը բաժնուած էր երկու մասի. մէկ մասը մայրս իր գաւազններուն նուիրած էր, միւս մասը՝ հոր յիշատակին: Մենք խանդով չէինք վերաբերեր անոր: Յետոյ հասկցայ, որ Չարենցը ազատ չէր թողներա նոր, եւ ան մինչեւ կեանքին վերջը կը խօսեր հոր հետ: Չարենցեան ժառանգութիւնը ոչ միայն ֆիզիքական էր, այլեւ՝ հոգեւոր: Մայրս այլ կերպ կ'ընկալէր զայն», նշեց ան: Արմէն Չարենցը պատմեց, որ մայրը շատ մտահոգուած է Եղիչէ Չարենցի թողած ժառանգութեան ապագային համար եւ պարբերաբար դիմած է պատկան մարմիններուն, որպէսզի աշակցին ու տարածք տրամադրեն զանոնք պատշաճ պահպանելու եւ ներկայացնելու նպատակով: Այն իրերը, որոնք պահուած են Արփենիկ Չարենցի տան մէջ, հետագային տեղ գտած են Չարենցի տուն-թանգարանին մէջ: Արմէն Չարենցը տուն-թանգարանի ցուցամուշկները հարստացուց՝ կառոյցին յանձնելով Չարենցի ձեռագիր մը՝ նուիրուած Արփենիկ Չարենցին եւ Գաբրիէլ Սունդուկեանի գիրքերն մէկը, որ հեղինակը նուիրած է իր դստերը, իսկ յետոյ այն յայտնուած է Չարենցի մօտ, որ գիրքը նուիրած է Արփենիկին: Եղիչէ Չարենցի թոռնուհի Գոհար Չարենցը պատմեց, որ երբ ծնած է Արփենիկը, Չարենցը շատ-շատ ուրախ եղած ու պաշտած է զայն: «Դստեր անունը դրաւ Արփենիկ՝ իր առաջին կնոջ՝ վաղամեռիկ Արփենիկ Տեր Աստուածատրեանի պատուին, սակայն զայն կ'անուանէր «պոժիք»: այդպէս կը կանչէր, այսինքն՝ աստուածիկ, իր պոժը աստուածուհին կը համարէր Արփենիկը, որուն շատ բաւաստեղծութիւններ նուիրած է», նշեց Գոհար Չարենցը: Միջոցառման ժրիրն մէջ տեղի ունեցաւ նաեւ «Չարենցի Աղօթքները» վերահրատարակուած գիրքին շնորհահանդէսը: Գիրքին վերահրատարակումը նախաձեռնած է ֆիզմաթ գիտութիւններու թեկնածու հորին Զորանեանը:

ՍՈՒՐԲ ԷԶՄԻԱԾՆԻ ԿՐՕՆԱՍԵՐ ՏԻԿՆԱՆՑ ՀԱՄԱԽՄԲՈՒՄԸ ՀԱՆԴԻՍԱԿՈՐԱԿՄԵՆ ՆԵՑ ՀԻՄՆԱԴՐՈՒԹԵԱՆ 63-ԱՄԵԱԿԸ

Սուրբ Էջմիածնի Կրօնասէր Տիկնանց Համախմբումին հիմնադրութեան 63-ամեակի հանդիսութիւնը մեծ շուքով նշուեցաւ Կիրակի, 20 Նոյեմբեր 2022-ի կէսօրին: ՀԲԸՄ-ի Տեմիրճեան մեծ սրահը լեցուն էր Համախմբումին առաքելութեան հաւատացող հայորդիներով:

թային եւ հոգեւոր գործունէութիւնները, մինչեւ օրս շարունակուող ընկերային, բժշկական, մարդասիրական ծառայութիւնները: Նշելով լիբանանահայութեան դիմագրաւած դժուարութիւնները, ան ըսաւ:



Յուշանուէր ստացողներու նուիրեալ անդամներ



Սրբազան Հայրեր վարչական կազմով

Հանդիսութիւնը իրենց ներկայութեամբ կը պատուէին Ն.Ս.Օ.Տ.Տ. Գարեգին Բ. Ամենայն Հայոց կաթողիկոսին եւ Ն.Ս.Օ.Տ.Տ. Արամ Ա. Մեծի Տանն Կիլիկիոյ կաթողիկոսին ներկայացուցիչներ, գերաշնորհ Տեր Մուշեղ Եպիսկոպոս Բաբայեան՝ լուսարարապետ Մայր Աթոռ Սուրբ Էջմիածնի, բարձրաշնորհ Տեր Կոմիտաս արքեպիսկոպոս Օհանեան՝ լուսարարապետ Մեծի Տանն Կիլիկիոյ Կաթողիկոսութեան, գերաշնորհ Տեր Արմաշ Եպիսկոպոս Նալպաստեան Առաջնորդ Դամակոսի թեմի:



Բարեշնորհ Կոմիտաս Արք. Օհանեան

Ներկայ էին նաեւ Հայաստանի Հանրապետութեան արտակարգ եւ լիազօր դեսպան Պրն. Վահագն Աթաբեկեանը իր ազնիւ տիկնոջ հետ, Rotary Club Beirut Cedars կազմակերպութեան նախագահ Ռոնի Ֆարրա եւ անդամներ, Inner Wheel կազմակերպութեան նախագահ Անի Տանձիկեան, BASSMA կազմակերպութեան նախագահ Ասնտրա Խլաթ Ապաղլունը, ինչպէս նաեւ Լիբանանի հասարակական, ազգային բարեսիրական միութիւններու կուսակցութիւններու ներկայացուցիչներ, պատկառելի հիւրեր եւ Համախմբումի անդամներ:

«2019-Էն ի վեր, ի տես լիբանանահայութեան դիմագրաւած ընկերային, տնտեսական ծանր պայմաններուն, Համախմբումը դիմեց Ն.Ս.Օ.Տ.Տ. Գարեգին Բ. Ամենայն Հայոց Վեհափառ Հայրապետին օժանդակութեան, որ չուշացաւ օգնութեան հասնելու:

2020-2021-ին հարիւրաւոր կարիքաւոր ընտանիքներ (չորս տարբեր առիթներով) Լիւբանան օժանդակութիւն ստացան: Այս առիթով, անգամ մը եւս մեր խորին երախտագիտութիւնը կը յայտնենք Ն.Ս.Օ.Տ.Տ. Գարեգին Բ. ծայրագոյն պատրիարք եւ Ամենայն Հայոց կաթողիկոսին, որովհետեւ լիբանանահայութիւնը միշտ տեղ գտած է անոր աղօթքներուն, խորհրդածութիւններուն եւ մտածումներուն մէջ»:

Ատենապետուհին շնորհակալութիւն յայտնեց «Rotary Club Beirut Cedars», «Rene Mouawad Foundation», «Inner Wheel», «BASSMA» բարեսիրական կազմակերպութիւններուն, որոնց հետ գործակցաբար բժշկական սարքեր եւ անոնանիւր կը բաժնուի լիբանանահայ համայնքի կարիքաւորներուն:



Անահիտ Տանձիկեան

Տիկն Անահիտ Տանձիկեան մեջբերումներ կատարեց Հայաստանի Հանրապետութեան 31-րդ տարեդարձին առիթով Ն.Ս.Օ.Տ.Տ. Գարեգին Բ. Ամենայն Հայոց կաթողիկոսին ուղերձէն, շնշտելով որ ընդգծուած են մեր ժողովուրդին եւ հայրենիքին բարգաւաճման յղուած իմաստալից խորհուրդներ:

«Սիրելիներ, մեր լիւբանանահայութեան անվտանգութեան հիմնասիւնը մեր ազգային միաբանութիւնն է: Որքան ամուր եղաւ այդ հիմքը, այնքան հաստատուն պիտի ըլլայ մեր անկախ պետականութիւնը եւ անոր նուիրական գիտակցութիւնը մեր մէջ»:

«Անկախութեան համար պէտք է տքնելու եւ պայքարիլ ամէն օր: Այսօր հրամայական է, որ աշխարհասփիւռ հայութիւնը համախմբուի հայրենիքի շուրջ՝ գործելով եւ արարելով ի շահ անոր արժանապատիւ կեանքի եւ յառաջընթացի: Հայրենիքը եւ ազգային արժանապատուութիւնը չեն կրնար ստորադասուիլ անձնական ու հատուածական շահերուն եւ բարեկեցութեան»:

«Հայրենիքը ազգի իւրաքանչիւր զաւակինն է: Եւ բոլորս պատասխանատու ենք հայրենիքին համար, պատասխանատու ենք Աստուծոյ առջեւ, մեր սրբազան հոգին ու սրբավայրերուն առջեւ, պատասխանատու ենք հայրենիքին իրենց կեանքն ընծայած մեր նահատակներուն եւ ապագայ սերունդներուն առջեւ»:

«Հայոց Եկեղեցին միշտ եղած է պետականութեան զօրացման նուիրեալը: Ինչպէս երէկ, այսօր եւ վաղը եւս նոյն նախանձախնդրութեամբ պիտի շարունակենք ջանքեր բերել հայոց անկախ պետականութեան ամրապնդման կարելու գործին»:



Գերշ. Մուշեղ Եպ. Բաբայեան

Իր խօսքի աւարտին ատենապետուհին նշեց, որ Սուրբ Էջմիածնի Կրօնասէր Տիկնանց Համախմբումը անուն մըն է, որ խօսք չէ, այլ՝ գործ. Մայր Աթոռ Սուրբ Էջմիածնի եւ Հայ Առաքելական Սուրբ Եկեղեցւոյ համար իր տեսակին մէջ եզակի կազմակերպութիւն մըն է:

Ան երախտագիտութիւն յայտնեց Ն.Ս.Օ.Տ.Տ. Գարեգին Բ. Ամենայն Հայոց կաթողիկոսին, Ն.Ս.Օ.Տ.Տ. Արամ Ա. Մեծի Տանն Կիլիկիոյ կաթողիկոսին, բոլոր հոգեւորականներուն, ինչպէս նաեւ այն անհատներուն, ազգայիններուն, հաստատութիւններուն ու բարերարներուն, որոնք հաւատարմով Համախմբումին առաքելութեան, սատար հանդիսացան եւ մինչեւ օրս թիկունք կը կենան անոր գործունէութիւններուն: Ապա ան խնդրեց ծափահարութիւնով ողջունել նախկին եւ ներկայ բոլոր վարչականները. տիկնիներ՝ Ֆրիտա Սարգիսեան՝ պատուոյ վարչական, Ալիս Եաղճեան, Անի Աղապաշեան, Հուրի Օհանեան, Անի Պոտրուեան, Հուրի Փարթաւեան, Լեւոն Գարակեօզեան, Սիլվիա Յակոբեան, Յասմիկ Տեմիրճեան եւ հանգուցեալ Ռուպինա Ճիկեղեան, որուն վերջին կամքը սուրբ է Համախմբումին համար:

ԱՆԱԳԻՏ ՏԱՆԶԻԿԱՆ

(Շաբ. ր. տեսնել 4րդ էջ)

